


# Schineblooser Waggis Fasnacht 1983



Liggt aini blutt uff dr Claramadde,  
betts iber dryssig Graad im Schadde.

Wenn di d Wasserdropfe braiche,  
wuurd ich saage, s dääti saiche.

Gseesch bis uff Ziiri vom Minschterdurm,  
kummt garantiert e Gwalds-Feebnschdurm.

Gitts im Merze nomool Schnee,  
kasch d Buure bald im Pfludder gsee.

Liggsch im Hai mit dynere Drugge,  
denn goots nit lang und s duet di jugge.

Gheysch uff em blanggen Yys uff d Schnuure,  
waisch, jetz isch dr Summer duure.

Wenns schiffe duet, daag us, daag yy  
soo frait sich d Pharma-Induschdry

Nach Bier und Wy und Kaffi jätter  
isch debaime ganz schlächt Wätter.

Schyynt d Sunne waggse Druube doll,  
und s Bassin wird graad au no voll.

Wenn gfeschedt wird, soo richtig gschpunne,  
sinn acht Schineblooser umme.

S glych Format, wie dr FC Bee,  
bett ebbe s Fasnachts-Comité.

(wenn di froggsch, waas daas soll mit em Wätter,  
soo suffsch halt none Kaffi jätter.)